

Olga Orman cu charla y tayer na Biblioteca Nacional

ORANJESTAD (AAN) -- Recientemente tabata na Aruba, den cuadro di e "Festival di Buki pa Mucha" e autor y contador di cuenta Olga Orman.

Olga Orman a nace y lanta na Aruba. Despues di su estudio pa maestro di school el a traha na Curacao y Hulanda. Actualmente Olga ta trahando como persona didactico y coordinador di proyecto cu "Stichting Advies-en Begeleiderscentrum voor het onderwijs" (Stichting ABC) na Amsterdam, Hulanda. Su

specialidad ta promocion di lesamento.

Biblioteca Nacional den su afan pa cumpli cu un di su prioridadnan, esta promocion di lesamento, a logra haya Olga Orman dispuesto pa duna dos charla y un tayer di trabao riba promocion pa henter personal.

Formacion y desaroyo continuo di profesionalismo di personal bibliotecario ta indispensable pa Biblioteca Nacional por cumpli cu su metanan.

Topiconan cu a keda trata du-



rante e charlanan y e tayer ta:

-Kico ta promocion di lesamento

-Pakico promocion di lesamento

-Promocion di lesamento pa ken?

-Ki actividad por organiza

-Con pa evalua un actividad y pakico promocion di lesamento mester ta un proceso continuo.

Pa clausura e tayer e participantenan mester a traha de grupo riba un plan di promocion di lesamento.

E diferente plannan lo ta punto di salida pa un plan cu Biblioteca Nacional cu ayudo

di otro instancianan lo compila y ehecuta den futuro. Riba foro por aprecia e gru-

ponan trahando riba nan plan pa promocion di lesamento.